



Fylkesmannen i Hordaland

Sakshandsamar, innvalstelefon
Jørgen Aarø, 55 57 20 46
Rune Mikkelsen, 55 57 21 81

Vår dato
3.7.2013
Dykkar dato

Vår referanse
2013/8225 433.2
Dykkar referanse

Tomas Hesthamar
Hesthamar
5778 UTNE

Løyve til utsetting av fjelledelgran til juletreproduksjon

Tomas Hesthamar får løyve på bestemte vilkår til utsetting av utanlandske treslag på gnr. 110 bnr. 3 i Ullensvang herad.

Vi viser til søknaden vi mottok 18. juni 2013 om utsetting av utanlandske treslag til juletreproduksjon på gnr. 110 bnr. 3 i Ullensvang herad. Søknaden er vurdert i samarbeid mellom Fylkesmannen sin miljøvern- og klimaavdeling og landbruksavdelinga.

Saka er handsama etter forskrift av 25. mai 2012 nr. 460 om utsetting av utanlandske treslag til skogbruksføremål, med heimel i naturmangfaldlova. Dei miljørettslege prinsippa i naturmangfaldlova kapittel II ligg til grunn for sakshandsaminga.

Treslag og mengd

Det er søkt om å plante ut 12 000 fjelledelgran (*Abies lasiocarpa*) over 5 år. Fjelledelgran er plassert i risikokategorien lav risiko (LO) og er ikkje del av den norske svartelista.¹

Utsettingsområdet

Det omsøkte utsettingsområdet er fire felt som er avteikna i kartvedlegget på til saman om lag 21.4 dekar. Søkjar opplyser at alle felta er gamle beite som ikkje har vore i bruk sidan 1979 og difor er grodd att.

I Naturbase² og Artskart³ er det ikkje registrert spesielle miljøverdiar som krev omsyn i sakshandsaminga. Dette inkluderer naturtypar frå naturtypekartlegging i heradet, utvalde naturtypar, raudlista naturtypar, raudlista artar, verneområde og MiS-figurar⁴.

Vurdering

Planting skal skje på felt som tidlegare har vore brukt til beite og i dag er i attgroing. Området ligg i eit kulturlandskap med frukthagar langs fjorden og lenger oppe i lia er det plantefelt med gran. Det er ikkje registrert spesielle miljøverdiar som krev særskilt omsyn i sakshandsaminga. Vår vurdering er at saka er godt nok opplyst til å fatte eit vedtak jf. kravet

¹ Gederaas, L., Moen, T.L., Skjelseth, S. og Larsen, L.-K. (red.) 2012. *Fremmede arter i Norge – med norsk svarteliste 2012*. Artsdatabanken, Trondheim.

² <http://innsyn.naturbase.no> (28.6.2013)

³ <http://www.artsdatabanken.no> (28.6.2013)

⁴ Miljøregistreringar i skog – standard for registrering av miljøverdiar som er nytta i skogbruket

til kunnskapsgrunnlaget og føre-var-prinsippet i naturmangfaldlova §§ 8 og 9. Vi kan ikkje sjå at produksjon av juletre på dei omsøkte felta vil medføre uheldige følgjer for naturmangfaldet.

Sidan felta er små og det ikkje er registrert spesielle miljøverdiar i området er vår vurdering at juletreproduksjon på desse areala i liten grad vil auke belastning på naturmangfaldet utover det som er tilfellet i dag, jf. naturmangfaldlova § 10 om økosystemtilnærming og samla belastning.

Etter naturmangfaldlova § 11 skal kostnadane ved å hindre eller avgrense skade på naturmangfaldet berast av tiltakshavar. Dersom brot på vilkåra i løyvet fører til skade på stadeige naturmangfald må tiltakshavar bere kostnadane for å rette opp i dette.

Val av driftsmetodar og teknikkar skal etter § 12 ta best mogleg omsyn til naturmiljøet, slik at resultatet gjev dei beste samfunnsmessige resultata. Utover dei føringar som følgjer av anna lovverk, som til dømes for bruk av sprøytemiddel, har vi ikkje spesielle merknadar til dette i denne saka.

Vedtak

Tomas Hesthamar får løyve til å sette ut 12 000 fjelledelgran i perioden f.o.m. 2013 t.o.m 2017 på gnr. 110 bnr. 3 i Ullensvang herad på følgjande vilkår:

- Løyvet gjeld for dei omsøkte områda i kartvedlegget.
- Trea må hoggast før dei set frø.
- Rutinar for å sikre hogst før frøsetting må verte etablerte, og dokumentasjon på dette må visast fram ved eventuelle tilsyn.
- Dette dokumentet må gjerast kjend og overført til ny grunneigar ved eventuelt eigarskifte.
- Dersom juletreproduksjon på eigedomen vert avvikla må trea hoggast.

NB!

Eit løyve gitt etter forskrift om utsetting av utanlandske treslag til skogbruksformål gir ikkje automatisk omdisponering av jorda til skogproduksjon. Der dette er påkravd må omdisponeringssøknad rettast til kommunen.

Klageadgang

Vedtaket kan påklagast innan tre veker, jf. forvaltningslova §§ 28 og 29. Klagen skal stilast til Miljødirektoratet, men sendast til Fylkesmannen i Hordaland, jf. forvaltningslova § 32.

Med helsing

Stein Byrkjeland e.f.
seksjonsleiar

Jørgen Aarø
rådgjevar

Brevet er godkjent elektronisk og har derfor inga underskrift.

Kopi

Miljødirektoratet
Ullensvang herad
WWF
SABIMA

Postboks 5672 Sluppen
Heradshuset

7485 Trondheim
5780 Kinsarvik